



Vniuersa Theologia Scholastica, Speculatiua, Practica

Ad methodum S. Thomæ, quatuor Tomis comprehensa

Tanner, Adam

Ingolstadii, 1626

XII. Vtrum per potentiam absolutam fieri possit, vt in Deo seu Verbo
videantur omnia quæ in Deo eminenter continentur.

[urn:nbn:de:hbz:466:1-72856](https://nbn-resolving.de/urn:nbn:de:hbz:466:1-72856)

cognosci formaliter, prout à nobis significatur nomine omnipotentiae, aut sub eo conceptu, quem de ipsa formamus; & sic de alijs. In quem sensum etiam Barnes art. 8. dub. vn. ad 2. ait, non esse necesse quod illa Dei attributa formalia, quae intrinsecè iuxta nostrum modum concipiendi important actualem respectum ad creaturas, ut est v.g. ratio Idee, cognoscantur visu diuina E-sensia: intellige sub ea formalitate, quam iuxta nostrum concipiendi modum habeant.

Dices. Aut secundum eam ipsam formaliter rationem, qua à nobis concipiuntur, sunt in Deo formaliter, aut non: si non sunt; cum tamen esse nos concipiamus, falsæ erunt conceptiones nostre: si sunt; ergo ita etiam necessariò à beatis concipi debent; à quibus proinde etiam non sine respectu ad creaturas concipi modo poterunt.

Répondeo, non esse aequaliter secundum omnem rationem formaliter in Deo; quia dicunt etiam respectum rationis, qui vtique in Deo formaliter non est: neque tamen propterea falsa est concepcionis nostra; quia eti⁹ concipiendo illa attributa necessariò formemus & concipiamus illam respectum rationis, non tamē conceptione nostra respectum illum Deo ita attribuimus, vt in Deo formaliter esse concipiamus, vt pote quem extrinsecè solum ei applicamus. Nec alius inde demum efficitur, quam nos non habere proprios & adæquatos conceptus essentiæ, & attributorum diuinorum; quod verisimilium est, & à sanctis Patribus saepius decantatum; qui propterea saepius dicunt, Deum à nobis cognosci & enuntiari verius negando, quam affirmando, vt dictum quest. hac. dub. 1. & magis patebit quæst. seq.

DVBIVM XII.

Utrum secundum absolutam Dei potentiam ab intellectu creato videri possint omnia, que in Deo sunt eminenter.

S. Thom. 1. p. q. 12. a. 7.

Hac de re sunt quatuor sententiae. Prima vniuersim negat, ab intellectu creato distinctori videri posse omnia, quæ sunt in Deo eminenter, siue sermo sit de cognitione extra Verbum, siue de cognitione in Verbo. Ita Ockam in 3. d. 14. quem sequuntur alij Nominales ibidem. Idem videtur sentire S. Thomas hic quest. 12. art. 2. & 8. item Caetanus, Barnes, Zumelibidem, Molina art. 8. disput. 2. Huc etiam spectant Scotus, Bonaventura, Marsilius, & Varro citati dub. 10. in 4. sententiar. qui negant, posse vlo modo à creato intellectu simul infinita cognosci.

Secunda sententia negat, posse videri ex vi visionis in Verbo; alio verò cognitionis modo concedit. Ita Suarez lib. 2. de Deo c. 29. num. 8. Vasquez disp. 49. cap. 2. & disp. 53. num. 17.

Tertia sententia ad propositionem distinguat triplicem cognitionem creaturarum omnium, siue omnium, quæ sunt in Deo eminenter. Primam vo-

cat cognitionem creaturarum in Verbo extensuam tantum; quæ videlicet non oritur ex vi Causæ, intensius & clarius penetratæ; sed absolute habet per extensionem visionis ad omnes creaturas possibles. Secundam vocat cognitionem creaturarum in eodem Verbo intensuam, quam etiam peculiariter vocat ex vi visionis Verbi; quæ nimurum fit per maiorem penetrationem Dei, tanquam Causæ. Tertiam constituit adeo perfectam, vt per eam non solum cognoscantur perfectiones intrinsecæ creaturarum, sed etiam distinctè omnes rationes, ac modi possibles earum, seu quos Deus potest facere in ipsis. Primam & secundam concedit esse possibilem secundum potentiam absolutam; esto requiratur ad eas lumen creatum infinitum, seu quoad extensionem, seu intensionem. Non enim putat implicare contradictionem tale infinitum, in quo partes non sint actualiter separatae, seu actu una extraliam, & ab alia diuisa; quoniam ad primam illam cognitionem tripla putat sufficere lumen & cognitionem finitam, etiam simplicem, & cuiusvis minimæ intensionis, æquivalentem infinitis gradibus extensionis. Tertium vero Cognitionis modum in creato intellectu, simpliciter docet implicare contradictionem, quod ad eum requiratur inreata perfectio. Ita docet Albertinus tom. 1. princip. 1. corollar. 4. p. 9. 10. & 11. & corollar. 5. punct. 1. & 3.

Quarta sententia simpliciter affirmat, de potentia Dei absoluta videri posse à creato intellectu omnes creaturas possibles, seu in Verbo, seu extra Verbum. Ita præter Arnaldum relatum dub. 10. sententia apud Durandum in 4. d. 49. quest. 3. & Bonauenturam in 3. d. 14. artic. 2. quest. 3. illi, qui id de facto tribuerunt, aut omnibus beatis, aut falso animæ Christi; quibus non nihil faverit Gabriel in 3. d. 14. quest. vnic. art. 2. concl. 1. & referuntur etiam à Suarez in 3. p. tom. 1. d. 26. seq. 3. in eandem sententiam Magister & Albertus in 3. d. 14. & Altissidorensis lib. 3. sum. tract. 1. quest. 5. Gregorius autem de Valentia hic quest. 12. p. 6. licet illam auctorum sententiam, quatenus de facto loquitur, censeat esse temerariam; tamen loquendo solum de absoluta Dei potentia, non est alienus ab ea sententia, quæ concedit id posse fieri. Et fateor quidem cum Bannehic quest. 12. art. 8. Suarez cit. 3. p. d. 26. seq. 2. & Albertino loco cit. hoc sensu esse rem parum certam; dicam tamen quod mihi probabilius videatur.

Assertio I. Per visionem extra Verbum non possunt creature omnes possibles simul cognosci. Ita auctores primæ sententiaz, contra secundam, tertiam, & quartam sententiam. Probatur. Quia aut visio hæc fieret per lumen & visionem infinitè extensam, aut intensem; vel per lumen, & visionem, altioris ordinis, quam sit modo lumen gloriae, & visio beatifica: sed nihil horum potest dici. Non primum, vel secundum; quia infinitum actu non minus implicat in graduali extensione, vel intensione qualitatibus, quod pares non communiantes, quamvis quantitate, vel numero, vt dictum supra quest. 4. & supponit S. Thomas hic quest. 12. art. 7. & passim alibi.

Nec tertium: quia omnium sententiæ lumen glo-

riæ & visio beatifica, est altissimi ordinis specifici, oblationem suam, & obiectum formale eminentissimum. Quod si videri possent distinctè omnes perfections intrinsecæ creaturarum possibles, nihil obstaret, quo minus distinctè videri possent omnes etiam rationes ac modi possibles earundem, seu quas Deus facere potest in ipsis, quicquid teria sententia dixerit: non solum quia illi ipsi modi possibles pertinent ad censum, seu numerum creaturarum omnium possibilium: ita quidem vñetsi respectu animalium creaturatum v.g. substantiarum, sint perfections extrinsecæ, in se ipsis tamen intrinsecæ, sint perfections quædam creatæ; sed etiam quia si ad ipsam infinitatem naturarum possibilium sufficit lumen & cognitio creaæ, esto infinita secundum extensionem vel intentionem, qualem esse possibilem sententia illa fatetur; cur non sufficit, ad illos etiam modos possibles alia adhuc perfectior saltem secundum individuam rationem.

Assertio II. Probabilius videtur etiam implicare contradictionem, omnium creaturarum, seu existentium, seu possibilium visionem in ipso Deo seu Verbo. Hæc est aperta, & indubitate sententia S. Thomæ hic q. 12. a. 8. & communis aliorum, quos citauimus pro prima & secunda sententia, contraria & quartam sententiam. Rationem quasi a priori adferit S. Thomas; quia ad hoc ut omnes effectus cognoscantur in causa, necesse est causam ipsam totaliter comprehendere; adeoq; cognoscere tam perfecta cognitione, quam ipsa est ex se cognoscibilis: siquidem eo plura cognoscuntur in causa, quo causa perfectius cognoscitur, & è contrario: Ergo etiam ad hoc, ut omnes effectus, qui in Deo eminenter continentur, cognoscantur, necesse est, Deum comprehendere: at hoc est impossibile creato intellectu; requireretur enim lumen & visio infinita, ut proba-

tum est dub. 6. Ergo etiam impossibile est ipsi, omnes effectus, seu creaturas possibles, quæ in Deo eminenter continentur, cognoscere.

Et sanè firmum hoc esset argumentum: si vel incomprehensibilitas Dei in eo consisteret, quod non possint omnia cognosci ab intellectu creato, quæ sunt in Deo eminenter; vel si creaturæ in Deo cognosci non possint, nisi vel per extensionem, vel intentionem formalem & intrinsecam ipsius visionis & luminis. At quia nos supra dub. 9. docuimus, neutrum esse necessarium, ideo Albertinus loc. cit. & alij quidam simpliciter asserunt, id argumentum non concludere.

Ego vero existimō, ita rectè posse confirmari Nam si aliquæ visio Dei creatæ, non comprehensiva ad hoc sufficeret, ea vel debet esse infinita secundum intentionem, vel extensionem, vt fatetur Albertinus; aut finita altioris ordinis, & diversæ speciei, vel saltem summè perfecta, iuxta eam rationem & perfectionem individuam, ex qua oritur extensio visionis Dei ad obiecta creatæ: sed nihil horum est possibile; vt de prioribus tribus partibus iam antea dictum; de quarta probatur. Tum quia per se incredibile videtur, visionem & lumen tam intensa perfectionis solo numero differre à reliquis. Tum quia qualibet data visione, potest dari perfectior individuus, etiam scelus eius intentione vel extensione; alioqui exhausta esset quodammodo potentia Dei, in hoc ordine rerum. Tum quia perfectio hæc individualis imitatur extensionem gradualem, quæ nulla suprema possibilis dati potest; Ergo nulla visio ad id sufficit, nisi in creatæ & comprehensiva, quæ solus Dei propria est Ratio à posteriori est; quia si talis visio esset possibilis, tū re ipsa fuisse communicata Christo; nulla enim erat causa, cur ei negaretur, si possibilis est, ut rectè Suarez 3. p. loc. cit.

6

QVÆSTIO VII.

De Ineffabilitate, ac Nominibus Dei.

S. Thomas 1. p. q. 13. aa. 12.

Absolutus habet questio quinque dubitationibus. I. An ē qua ratione Deus sit ineffabilis; & quænam sit diuinorum nominum distributio & varietas. II. An ē quænam nominum de Deo dicantur substantialiter, & ab eterno, vel ex tempore. III. An communia Deo & creaturis nomina, de virtutisque diuinocè, an solum equinoce vel analogicè prædicentur. IV. An ē Deus possit aliquo nomine significari quidditatius. V. Quodnam nomen sit maximè proprium Dei, taterisque præstantius, & vitrum nomen Dei Tetragrammaton idem sit cum Dei nomine, Qui est.

D V B I V M . I.

An, ē qua ratione Deus sit ineffabilis; & quænam sit diuinorum nominum distributio & varietas.

S. Thomas 1. p. q. 13. a. 3. 3. 4. 12.

Quemadmodum incomprehensibilitatem præcedenti questione diximus constitutæ pro-

prium ac peculiare Dei attributum; ita hoc idem patiter etiam sentiendum est de Ineffabilitate, quæ incomprehensibilitatem sequitur; sicut nominis rerum concepit⁹ ac notitia earundem sunt posteriora. Ad hanc ineffabilitatem Def explicandam, & utruiusvis cognoscatur, qua ratione Deus nominari possit, aut non possit, sequentes statuæ assertiones.

Assertio I. Deus verè est aliquo modo nobis, omnique creaturæ ineffabilis. Ita S. Thomas q. 13.